



Universitätsbibliothek Paderborn

Dissertationes Juridico-Theologicæ De Jure, & Justitia

Karchne, Simon

Augustæ Vindelicorum ; [Graz], 1714

§. III. An? quomodo? & quando contractus conditionatus transferat
dominium? & quæ ejus differentia à modali

urn:nbn:de:hbz:466:1-40013

§. III.

An? quomodo? & quando contractus conditionatus transferat Dominium? & quæ ejus differentia à Modali?

218. **C**Ontractus potest quinque possimū modis initi primò, absolute, & purè non adjecto die, vel tempore, nec conditione, nec modo, nec alternatione: sic initus statim, ac perfectus est, obligat, per Reg. 14. in legge eum. qui 41. ff. de verb. oblig. in obligationibus, in quibus dies non apponitur praesenti die debetur.

Secundò potest inici in diem, cùmque incertum, ita ut incertum sit, an sit aliquando futurus Ut dabo tibi centum ad diem appulsus navis ex Indijs, hic contractus est potius conditionalis, proinde obligatio ejus, ac actio suspenditur ad tam eventum L. 1. §. 2. ff. de condit. & demonstrat) aut certum sit aliquando futurum, ut promitto centum ad diem mortis paternæ; aut constet, quando sit eventurus, ut lego Titio centum die passatis solvendos, & hic contractus est propriè in diem, dummodò hæc sit certo futura, non suspendit obligationem, sed eam statim inducit, id est, res promissimox debetur, ejusque debitum transit ad hæredes, licet non urgeat ante diei adventum.

Tertiò contrahi potest sub conditio-
ne de praesenti, præterito, vel futuro,
necessaria aut contingente, possibili aut

impossibili. Est autem conditio aliquid à quo contrahens vult dependere suam dispositionem, hujusque obligationem suspendere, donec purificetur, seu verificetur ejus existentia. Quando conditio evenit, ita ut potuerit non evenire, dicitur contingens, cùmque vel est honesta, vel turpis, si necessariò evenit, est necessaria; si potest evenire, dicitur possibilis; impossibilis verò, si evenire nequit, estque talis, aut ex natura rei, ut si hirco-cervum caperis, aut est impossibilis defacto, ut si aureum montem deris; aut de jure, qualis est omnis conditio turpis, ut si pejeraveris, &c. quod enim absque peccato fieri non potest, de jure dicitur impossibile: quædam ex turbibus conditionibus sunt contra substantiam contractus, ut contraho tecum matrimonium, si evites generationem prolis.

Quattò potest contrahi sub modo, est autem modus secundum Sylvestrum V. conditio n. 3. adjectio alicuius oneris, ad quod post contractum perfectum obligate intendimus contrahentem. Differt modus à conditione, quod hæc suspendat obligationem usque ad eventum, seu verificationem conditionis, secus modus; hic enim perfectam supponit dispositio-
nem, cùmque solum temperat adjectione oneris;

oneris, ut vendo tibi fundum cum obli-
gatione, ut vicissim domum tuam eloces
Petro, quod onus adjectum non suspen-
dit contractum usque ad adventum modi.
Unde notat citatus Sylvester, quod con-
ditio exprimi soleat per dictiōnem si v. g.
ducam te, si Pater consenserit: modus
per dictiōnem ut v. g. ducam te, ut di-
vitias consequar. Quare licet donatum
sub conditione peti nequeat ante conditiōni-
onis existentiam, at donatum sub modo
mox peti potest. Molin. *Disput.* 208.
num. 8. sed vicissim Donatarius si peti-
tur, debet praeſtare cautionem, de ex-
quendo modo, aut haeres Donatarij, si
hic ante impletum modum mortuus sit,
Laym. *Lib. 3. tract. 4. c. 4 n. 6.*

Quintò potest contrahiri alternativè:
est autem contractus alternativus rerum,
qui obligat ad praeſtandum alterum ex
duabus rebus, seu sub disjunctione hanc,
aut illam rem E; g. equum aut centum au-
teos.

Præter contractum alternativum re-
rum datur etiam alternativus personarum,
locorum & temporum E. g. Titio vel Ca-
jo, Gratijs, vel Vienna: Calendis Ja-
nuarijs, vel Februarijs.

De alternativis notetur Reg. I 70, in
6. ex L. in eo, quod plus est ff. de R. I. in
alternativis debitoris est electio, & suf-
ficit alterum adimpleri, de qua fuse
Wiſtaer. Regula sensus est, quod al-
ternativa dispositio subsistat, dummodo
unum ex disjunctione expressis præſtetur
Itque arbitrio debitoris eligendum, di-
ſponsens enim alternativè intendit favere
debitori tam in ultimis voluntatibus,
quam alijs contractibus, ac careris dispo-
ſitionibus; nempe tunc electio est penes
debitorem, quando ut Vivianus inter-

pretatur, disponens verba dirigit ad de-
bitorem ad aliquid præſtandum, quando
autem dirigitur ad creditorem, ut ali-
quid accipiat, penes hunc stat electio
L. si ita 25. ff. de contrah. empt. si is,
cui competit electio, ante haec decedat,
facultas eligendi transit ad haeres L. si i-
ta 79. pr. ff. de V. O. si debitor ex erro-
re utrumque præſtit, habet optionem
repetendi quod voluerit, neque si ante fa-
tisfactionem unum alternativorum periit,
tenetur alterum dare, sed hoc, aut ejus,
quod interij, valorem offerre habet in
arbitrio positum L. cum res 47. §. 3. ff. de
Legat. Ab hac Reg. sequentes Wiſtaer
& n. 10. adducit excepciones.

Prima est, si quis in testamento, aut
legato plures alternativè scripsit haereses,
aut legatos disjunctiva vel, aut est rea-
ſolvenda in copulativam, ut nemo careat
ſuo commode. L. cum quidam 4. V.
melius C. de V. S. Alternativa concepta
per particulam ſenſu ſapienter pollet vi copu-
lative, quam disjunctive.

Secunda in legatis sunt pensanda
verba, quæ ſi testator dirigit ad haere-
dem, electio eſt ipſius, v. g. haeres Titio
fundum A, aut centum aureos dato, Le-
gatarij vero, ſi ad hunc v. g. Titius fun-
dum A, aut centum aureos accipiat.

Tertia in alternativis remediorum
ſeu actionum judicialium, electio eſt pe-
nes creditorem, ſeu Actorem, alias nun-
quam ſuum finem allequeretur Reo im-
pediente actionem, ex qua meruit dan-
num L. seruus 108. §. 2. ff. de Legat.

Quarta in alternativis locorum ante
petitionem creditoris debetur electio de-
bitori, ſi hic non prævenit, ea eſt credi-
toris.

Quinta in alternativis personarum
electio

E c 2

electio stat penes Judicem; hujus enim est poenam proportionare delicto, nisi legis verba ad Reum dirigantur E.g. det mille aureos, aut sit perpetuo incarcertatus,

Sexta in alternativis personarum, inter quas prærogativa Ordinis, ut in substitutionibus testamentarijs, debet servari Ordo litteræ, ut dum testator jubet dari liberis, in horum defectu dandum est consanguineis. In alternativis personarum disjunctiva, vel, aut, non resolvitur in copulativam, *L. cum quidam 4. verb. melius C. de V. S.* His præmissis decidendæ sunt quæstiones in §. propositæ.

219. Dico primò modalis contractus in eo differt à conditionali, quod mandalis non suspendat obligationem, donec impleatur ab altero onus adjectum secùs conditionalis propriè talis: constat id ex numero priore *Versu. quarto potest contrahi.*

Dico secundò contractus sub conditione de præterito vel præsenti non suspendit contractum, nec vitiat, sed valet, & obligat, si conditio re ipsa subsistit etiam ignorata à contrahentibus, ut contraho tecum, si Pater est mortuus, vel si Nobilis es, &c. quia jam est impleta conditio, cui alligatur obligatio.

Amplia conclusionem ad contractum conditionalem sub conditione necessario futura, E.g. contraho sponsalia, vel matrimonium, si crassus orietur, est communior apud Sanch. *L. 5. de matrim. Disput. 2. ex L. 9. §. 1. ff. de novationibus*, quia existentia conditionis jam est determinata in sua causa, ergo habetur pro præsenti, ergo non moratur obligationem, nisi constet contrahentes noluis-

se se obligare ante ejus eventum, aut nisi ignoraverint necessario futuram: tunc enim respectu eorum se habet, ac si esset contingens.

220. Dico tertio contractus initus sub conditione honesta contingenter futura suspendit obligationem in tempus eventus illius: Ejusmodi contractus sunt propriè conditionales: conditio enim propriè talis inquit Haunold. est qualitas alii adjecta, vel inhærens, quæ in dubium eventum futurum suspendit, vel dissolvit: ut promitto tibi matrimonium, si tale officium consequeris: lego tibi mille si duxeris Titiam. Etsi autem conditio de futuro honesta non obliget ad præstandum promissum, antequam purifetur, obligat tamen contrahentes expectare eventum conditionis, nec possunt licet impedire ejus purificationem. Ita omnes: alias intendens non expectare deciperet alterum, quapropter alter ex contractu conditionato acquirit aliquod jus, nempe spem futuræ conditionis, §. 4. *Instit. de V. O.* Sed facitnè validè resiliendo, etsi faciat illicite? *Resp.* sub distinctione cum Lugo *Disp. 22. a. n. 383.* invalidè in contractibus solo consensu perfectibilis, validè autem in contractibus ante traditionem rei imperfectibilis. Ratio primi probatur exemplo voventis constitutam sub conditione contingenti futura, quod votum est irrevocabile ante purificatam conditionem, alias revocans ante hanc purificatam, & postea post ejus adventum fornicans non esset reus voti castitatis, contra omnes, ergo etiam promissio humana sub simili conditione facta solo consensu perfectibilis obligat irrevocabiliter.

Hinc sponsalia secunda absoluta non diri-

dirimunt priora conditionata ante even-
tum conditionis, Sanch. Lib. 7. Disp.
69. n. 3 de Matr. quia absoluta talis pro-
missio est invalida, utpote de peccato ad-
ministra mittendo.

Ratio secundi est, quod contractus talis
nequeat absolvī nisi tradatur res animo
transferendi Dominium: qui animus est
impossibilis sine novo consensu, qui si tem-
pore traditionis, si ante hanc primus con-
sensus fuerit revocatus.

Hinc si Principalis ante contractum
Matrimonium per Procuratorem revocet
suum consensum alligatum contractui
Procuratoris, Matrimonium est nullum,
etsi revocatio Procuratori sit ignota, ita
specialiter constituitur Cap. fin. de Pro-
curatoribus in 6. de contractu matrimo-
niali apud Sanch. lib. 2. de matrim.
Disp. II. n. 6. - - - Sicutamen revo-
cans, quod teneatur noviter consentire
& perficere contractum patet ex ratione
data obligatione expectandi eventum.

Sed quid si tu, quantum est ex par-
te tua facis, quantum potes, ut implea-
tur conditio, at persona circa quam est
implenda conditio repugnat, v. g. legan-
tut tibi mille, si duxeris Titiam; vis il-
lam ducere, sed illa vel non vult, vel
prius nupsit alteri, censeris ne implevisse
conditionem ad effectum acquirendi mille?

Resp. Affirmativè quando conditio
apposita est in ultimis voluntatibus L. I.
Cod. de his, quæ sub modo & L. 3. de
condit. institutorum ac alijs legibus apud
Sanch. L. I. de matrim. Disp. 33. n. 19.
cum communi. Ratio est, quod satis-
fiat menti testatoris,

221. Dico quartò nullus ferè con-
tractus sub Conditione impossibili, sive
tali ex natura rei sive defacto, sive de-

jure initus valet, quia obligat consensum
purificationi conditionis, cuius dum ex
natura rei, aut defacto est impossibilis,
purificatio implicat, ergo etiam absolutus
consensus: quando autem conditio
est de jure impossibilis, seu turpis ad eam
purificandam obligatio est impossibilis per
dicta à n. 213. Dixi ferè nullus, quia
Matrimonium, & ultima voluntas exci-
piuntur à jure positivo, quod rejicit, ha-
betque pro non adjectis similes condi-
tiones, proinde non vitiant Matrimonium,
testamentum, legatum, etsi adjiciantur,
sed valent æquè, ac si non fuissent adje-
ctæ Conditiones impossibilis, aut turpes
Cap. fin. de Conditionibus appositis, &
§. impossibilis Instit. de heredibus in-
stituendis. Ante conditum Cit. cap. fi-
nale Matrimonium sub Conditione im-
possibili fuisse viciatum, seu non valui-
se suader efficacissima sequens ratio: Ma-
trimonium non perficitur sine actuali
consensu contrahentium L. 30. ff. reg. jur.
sed dum contrahitur sub conditione im-
possibili deest actualis consensus nec un-
quam est futurus.

Ob hanc rationem Matrimonium in
utroque foro fore irritum, quando uter-
que contrahentium aut alteruter o. v. osi-
tam à se conditionem ignoravit esse im-
possibilem, tradit Sanch. L. 5. de Ma-
trim. Disput. 3. n. 8, interpretans Capi-
tulum finale intelligendum in conditione
impossibili scita ut tali, ac deducens ab
actu testandi, qui per L. servo manumis-
so ff. de conditionibus indebitis, cen-
setur nullus sub conditione impossibili,
quam putabat possibilem. Ampliat n. 16.
Primò quando constat joco adjectam esse:
tunc enim defuit animus. Secundò ob ean-
dem rationem, si constat serio esse ap-
posi-

positam, unde sicut alij contractus vitian-
tur ita matrimonialis, quare *Cit. Cap.*
fin. habet duntaxat locum in casu, quo
contrahentium intentio est dubia, seu a-
liunde non constat, an joco, vel serio
sit adjecta, tunc enim pro favore matri-
monij est pronuntiandum *Cap. fin. de sen.*

testia, & re judicata ad evitanda ani-
marum pericula, ac idamna, quae ex ma-
trimonij validè contracti dissolutione fo-
lent oriri, igitur tunc præsumitur conser-
sus & conditio adjecta potius joco, quam
serio animo dissentiendo.



S. IV.

De quibusdam Legatis ac testamentis conditionatis.

222 **Q**uæres primò an valeat hæreditas, aut Legatum sub conditio-
ne nuptias excludente, quod fieri potest
multipliciter, ut constabit ex mox subji-
ciendis. *Resp.* Primò hæreditas, aut Le-
gatum relictum viduo, aut viduæ sub
conditione excludente Matrimonium se-
cundum non rejicitur, quia non turpis,
Novel. 22. Cap. 43. & seq. Ratio quod
sit honestum abstinere à secundis nuptijs,
Can. fin. causa 31. q. Sanch. L. 1. de
matrim. Disp. 34. n. 29.

Secundo eadem conditio adjecta hæ-
reditati, aut legato relicto virginis rejici-
tur à jure, & habetur pro non adjecta,
Sanch. n. 3. ex L. Titia non nupserit ff.
de condit. & demonst. quia interest Rei-
publicæ, ut hæc augeatur legitimis geni-
tis, unde Virgo, cui Titius legat centum,
si nupserit, ducentos si non nupserit,
lucratur ducentos nubendo: quia rejicitur
ex eadem ratione per cit. *Legem. Sanch.*
n. 6. ubi dicit hæc locum habere etiam in
foco conscientia, cum hæc leges non sint
contra Canones.

Tertiò non rejicitur conditio adjecta
legato non nubendi sine consilio certæ per-
sonæ, quia non minuitur libertas matri-
monij, cum non obligetur sequi Consilium,
sed solum petete: econtra rejicitur,
ut libertati matrimonij præjudicans,
ut non ineat matrimonium sine consensu
Tertij *Sanch. n. 19. juncto n. 24. ex L.*
cum tale 72. ff. de condit. & demonst.
rejiciente exprelse conditionem nuptia-
rum in arbitrium alterius collatam.

Quarto Conditio non nubendi ad
tempus certum, dummodo non sit lon-
gum v. g. ante 25. annum, aut non cum
personis certæ familiae, vel oppidi vel
Provinciae valida est *Sanch. n. 35.*

Quinto valet conditio prohibens vir-
gini nuptias in favorem causæ piaæ, *Sanch.*
n. 34. ubi si mille legentur Titiæ, si non
nupserit, dentur verò Ecclesiæ alterive
piaæ causæ, si nupserit, quia pia causa
*æquiparatur libertati, sed favore libera-
tis valet dicta conditio, nempe si Titiæ*
*nupserit, talis servus liber fit L. Ti-
tio 96. §. 1. ff. Cod.*

223. Quæ-